



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

---

### ისპიანი

ისპიანი, სოფელი ისტორიულ-გეოგრაფიულ რეგიონში - დმანისხევში (ამჟამად ნასოფლარია); მდებარეობს მდ. მაშავრის მარჯვენა მხარეს კაზრეთის ხევში და მიეკუთვნება ბოლნისის მუნიციპალიტეტს.

ი-ში არის სამონასტრო კომპლექსი, ისპიანის სამება, რ-საც გალავანშემოვლებული ნასახლარები ახლავს. მთავარი ტაძარი XIII ს. I მეოთხედს შორის არის აგებული.

შემორჩენილია მოხატულობის კვალი. ადრე იყო ბოლნელი ეპისკოპოსის, ნიკოლოზის წარწერაც. ი. საბარათიანოში შედიოდა და მთელი კაზრეთის ხეობასთან ერთად ეკუთვნოდა ზურაბიშვილთა შტოს.

წყარო: ვახუშტი, აღწერა სამეფოსა საქართველოსა, თ. ლომოურისა და ნ. ბერძენიშვილის რედ., თბ., 1941.

ლიტ.: დოლიძე ვ., კაზრეთის ხეობის ორი ხუროთმოძღვრული ძეგლი, «ძეგლის მეგობარი», 1970, N20; თაყაიშვილი ე., სომხით-საორბელოს ძეგლების წარწერები, «თსუ შრომები», 1953, ტ. 43.

**დ. ბერძენიშვილი**

---